



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIÁL

Komunikadu Imprensa

2/14/2013

Membrus Konsellu Jestaun no Disiplina ba Advokasia simu pose

Iha 11 Feveiru 2013, Ministru Justisa, Dr. Deonísio Babo Soares, fo posse ba membrus Konsellu Jestaun no Disiplina ba Advokasia (KJDA), iha Salaun Centru Formasaun Juridika, Kaikoli – Dili.

“JSMP orgullu tanba Ministériu Justisa kumpri nia dever tuir Lei Nú. 11/2008 atu nomea no fo pose ba membru Konsellu Jestaun no Disiplina Advokasia atu tau-matan no prepara estabesementu Ordem ba Advogadu sira iha futuru, dehan Diretór Ezekutivu JSMP, Luis de Oliveira Sampaio.

Serimonia simu pose ba membru Konsellu Jestaun no Disiplina ba Advokasia bazeia ba artigu 57^o Lei Nú.11/2008 ne'ebé iha 26 Jullu 2012, halo ona alterasaun primeíriu liu husi Dekretu Lei, Nú. 39/2012. Alterasaun primeíriu ne'e publikada iha Jornal Repúblika iha 1 Agostu 2012.

Iha artigu 57^o Lei Nú.11/2008 hateten katak Konsellu Jestaun no Disiplina ba Advokasia konstitui husi membru na'in lima, ne'ebé na'in tolu nomeadu husi Governu ne'ebé iha responsabilidade ba área justisa, no na'in rua nomeadu husi Associação dos Advogados de Timor Leste (AATL)

Membru Konsellu Jestaun no Disiplina Advokasia, kompostu husi Sr. Nelinho Vital (Prezidente CGDP) atual Diretór Divizaun Direitus Umanus no Sidania Ministériu Justisa, Antoninho Gonçalves (Juis Tribunál Distritu Díli), Fernando Lopes de Carvalho (Defensor Públiku Distritu Díli), Manuel Tilman (Sekretariu Jerál AATL), no Pedro Aparicio de Oliveira (Prezidente AATL) ne'ebé nu'udar membrus efetivu no Fransisco de Araújo Almeida (Vice Prezidente AATL), no Elena Pereira (Advogadu Privada) nu'udar membru suplente.

Atu hetan informasaun kle'an liu tan favor kontaktu:

Luis de Oliveira Sampaio
Diretór Ezekutivu JSMP
info@jsmp.minihub.org